

Noiz eguneratua:
2021/4/7

NAFARROARAKO NEURRIAK

ALARMA-EGOERA KONFINAMENDU PERIMETRALA

Apirilaren 22ra arte

COVID-19aren osasun-krisiari aurre egiteko

Gobernu Irekiaren eta Herritarrentzako Arretaren Zerbitzua

Herritarren Arretarako Atala

AURKIBIDEA

1. Neurri nagusiak

2. Mugikortasuna

- Alarma egoera
- Konfinamendu perimetrala
- Bilerak eremu publikoan eta pribatuan
- Mugikortasunari buruzko beste galdera batzuk

3. Prebentzio neurri ezohikoak

- Ostalaritzako establezimenduak eta jatetxeak
- Turismoko ostatuak
- Elkarte gastronomikoak eta peñak
- Garraioa
- Haurren jolastokiak eta aire zabaleko kirol eremuak
- Ezkontzak, bataioak, jaunartzeak eta bestelako ekitaldiak
- Hileta eta beilak eta gurtza-lekuak
- Txikizkako merkataritza establezimenduak eta lokalak, eta jarduera eta zerbitzu profesionalekoak, jendearentzat irekita daudenak
- Hipermerkatuak, saltoki ertain eta handiak, merkataritza-gune edo merkataritza-parkeak, eta haien parte direnak
- Azoka txikiak
- Ekitaldietarako funtzio anitzeko espazioak dauzkaten establezimenduak
- Akademiak, autoeskolak, eta irakaskuntza ez-arautuko ikastetxeak eta prestakuntza zentroak
- Kirol-jarduerak eta -instalazioak
- Igerilekuak
- Liburutegiak, artxiboak, erakustaretoak, monumentuak eta museoak
- Zinemak, antzokiak, auditoriumak, karpadun zirkoak, aire zabaleko esparruak eta antzeko guneak

- Biltzarrak egitea
- Topaketak, akziodunen eta elkargo profesionalen batzarrak, negozio bilerak, hitzaldiak, ekitaldiak eta antzekoak
- Turismo-gidariak, eta turismo aktiboko eta naturako irteerak
- Bingoak, eta joko- eta jolas-aretoak
- Adinekoen eta desgaitasuna duten pertsonen egoitzak

1 Neurri nagusiak

Neurri hauek **indarrean izanen dira apirilaren 22ra arte**, egun hori barne.

Arau berriak:

- 13/2021 Foru Dekretua, apirilaren 6koa, Nafarroako Foru Komunitateko Lehendakariarena.
- 11/2021 Foru Agindua, apirilaren 6koa, Osasuneko kontseilariak emana.

Aurretik ezarritako neurri guztiak luzatzen dira. Hona hemen neurri nagusien laburpena:

Alarma-egoera

- **Etixeratzeko agindua:** 23:00etatik 06:00etara bitartean, aurreikusitako salbuespenak izan ezik.
- **Konfinamendu perimetrala.** Mugatuta dago jendea Nafarroara libreki sartu eta bertatik ateratzea, aurreikusitako salbuespenak izan ezik.
- **Erabilera pribatuko espazioetan egindako bilerak:** **bizikidetza-unitatea** baino ez.
- **Erabilera publikoko espazio irekietan egindako bilerak:** **gehienez ere sei pertsona**, salbu eta bizikideak badira.
- **Erabilera publikoko espazio itxietan egindako bilerak:** **gehienez ere lau pertsona**, salbu eta bizikideak badira
- Konfinatuta daude honako udalerrri hauek:
 - o **Milagro: apirilaren 15era arte**, egun hori barne.
 - o **Arguedas: apirilaren 19ra arte**, egun hori barne.
 - o **Cadreita: apirilaren 9tik 22ra bitarte**, biak barne.



1. Prebentzio neurri ezohikoak

- **Erabilera publikoko establezimenduek** ahalik eta gehien aireberritu beharko dituzte lokalak, eta, betiere, **egunean hirutan gutxienez**.

- **Ostalaritzako establezimenduak eta jatetxeak:**
 - o **Barnealdeak: itxiak.**

- **Barnealdea itxi** beharraren **salbuespenak:**
 - hoteletako eta bestelako ostatuetako jantokiak: horietan ostatu hartu dutenei bakarrik. Ez da 21:00etako ordutegi orokorra aplikatuko, ezpada establezimenduak bezeroekin daukan ordutegi arrunta.
 - Zentro eta zerbitzu sanitarioen eta soziosanitarioen barneko zerbitzuak, eskola eta unibertsitateetako jantokiak eta jantoki sozialeko zerbitzuak.

- Establezimenduen **barnealdearen erabilera salbuespenez baimen daiteke** kasu hauetan:
 - Bezeroak bidaiarien nahiz salgaien garraio arloko langileak izatea, hori frogatzen badute C edo D gidabaimenarekin edo kasuan kasuko gaitasun profesionalaren agiriarekin.
 - Establezimenduak gasolina-zerbitzuguneetan edo errepideko zerbitzuguneetan kokatuta egotea, hirigunetik kanpo eta Nafarroako errepide nagusietan, aparkalekua badute bost trailer kamioirentzat baino gehiagorentzat eta bazkarien eta afarien zerbitzua ematen badute.
 - Eskuarki, barnealdean jendearendako itxiak egonen dira; gorago aipatutako langileak bakarrik artatuko dira.
 - Baldintza horiek betetzen dituzten eta Osasuneko zuzendari nagusiaren ebazpen bidez aldeztu aurretik baimena duten establezimenduen baimenek indarrean jarraituko dute, baldin eta eskatutako baldintzak betetzen jarraitzen badute.

- **Ogia eta/edo kafea saltzen duten establezimenduetan**, salmenta hori baimenduko da produktua eramateko (edo terrazan kontsumitzeko, balego), baina **ezin izanen da barnealdean kontsumitu**. Beranduenez ixteko ordua: 21:00etan.

- **Aire zabaleko terrazak:** orain arteko neurri berberak
 - o **Irekiak**
 - o **Ordutegia:** 21:00ak arte, husteko lanak barne.
 - o **Maskara erabiltzea nahitaezkoa** izanen da beti, salbu eta edateko edo jateko unean.
 - o **Mahaien arteko tartea: 2 metro**
 - o **Mahaietan eserita egiten da beti kontsumoa**

- **Debekaturik dago** erretzea, zigarreta elektronikokoak barne, edo nikotina bota dezaketen gailuak erabiltzea, **baldin eta ezin bada bermatu 2 metroko segurtasun-tartea. Bezeroei ez erretzea gomendatzen zaie.**
 - **Mahai bakoitzaren bueltan**, gehienez ere, **lau pertsona** egonen dira. Salbuespen gisa, sei pertsona ere elkartzen ahalko dira, baldin eta pertsonen arteko 1,5 metroko tartea bermatzen bada.
 - **70 cm baino gutxiagoko aldea edo diametroa duten mahaien eta/edo upelen bueltan** gehienez ere bi pertsona egonen dira, eserita.
 - Janariak prestatu eta zerbitzatzeko ahalko dira, **etxera eramateko edo aurretiko hitzordua izanda establezimenduan jasotzeko, 22:30ak arte.**
 - **Kalean**, eserlekuetan, espazio publikoetan, terrazetan eta antzekoetan erre daiteke, baina erretzaileak geldirik egonen dira, mugitu gabe, eta gutxienez ere pertsonen arteko 2 metroko tartea egonen da.
 - **Lasterkariak ("runners")**: maskara erabili behar dute ezin badute bermatu 1,5 metroko segurtasun-tartea pertsonen artean.
- Jende asko biltzen den lekuetan, parkeetan, ibai-pasealekuetan, hiriguneetan** edo antzekoetan, **banaka korrika egitea gomendatzen da, eta ez taldean.**

Establezimenduetan eta sektoreetan edukiera berriak ezarriko dira.

Iruñerriko hiri-garraio kolektibo erregularra

- Ireki daitezkeen **leihatilak** izanez gero, **guztiek irekita** egon beharko dute, airea ibil dadin.

Beilak eta hiletak

- Gehienez ere **50 pertsona biltzen ahalko dira aire zabalean direnean, eta gehienez 10 toki itxietan.** Hiletan **segizioan 50 pertsona** elkartzen ahalko dira gehienez.

Gurtza-lekuak

- Ez da gainditzen ahalko baimendutako gehieneko edukieraren % 30, eta, nolana ere, ez da 150 pertsona baino gehiago egoten ahalko.
- Sarrerak eta irteerak modu mailakatuan, pilaketarik ez gertatzeko.

- Gomendatzen da ez kantatzea eta gurtza-jarduerak **21:00ak arte egitea**.

Ezkontzak, bataioak, jaunartzeak eta beste ospakizun sozial, familiar, erlijioso edo zibil batzuk

- Zeremoniaren ondotik **ospakizunak** egiten badira ostalaritzako establezimenduen edo jatetxeen **kanpoaldean**, errespetatu beharko dira **1,5 metroko** segurtasun-**tarteak** pertsonen artean, eta ez da behin ere gaindituko **20 pertsonako** kopurua.
- **Ez dago baimenduta dantzatzeko pista** edo horretarako prestatutako eremua erabiltzea.

Hipermerkatuak, saltoki ertain eta handiak, merkataritza-gune edo -parkeak, eta haien parte direnak

- Ez dute gainditzen ahalko bertan kokatutako merkataritza-lokal bakoitzean **baimendutako gehieneko edukieraren % 30**.
- Establezimendu horietan dauden zinema- eta jolas-aretoei, jarduera bakoitzerako ezarritako arau eta ordutegi berariazkoak aplikatuko zaizkie.

Liburutegi eta ludotekak

- Liburutegi eta ludoteketan **haurrentzako jarduerak** egiten ahalko dira, gehienez ere **hamabi partaideko taldeetan**.

Zuzendutako kirol-jarduera fisikoak espazio itxietan

- **Gehienez 10 pertsonaz osatutako taldeak**. Nafarroako Kirolaren Institutuak xedatutakoaren arabera arautuko dira.
- **15 pertsonako taldeetan** egiten ahalko dira, baldin eta instalazioak **parte-hartzaileko 5 metro koadroko** baldintza betetzen badu, **mugikortasun txikiko jardueretan**, eta **parte-hartzaileko 16 metro koadrokoa**, **mugikortasun handiko jardueretan**, aireztapen naturala erabiliz, edo behartua (mekanikoa), airearen birzirkulaziorik gabe.

Monumentuak, erakustaretoak eta museoak

- **Bisita edo jarduera gidatuak** gehienez ere **hamabi pertsonako taldeetan** eginen dira, eta **18koak izaten ahalko dira kanpoan direnean**.

Turismo-gidarien jarduera

- Turismo aktiboko eta naturako irteerak ere **gehienez ere hemezortzi pertsonako taldeetan** egingen dira, aldeztu aurretik erreserba eginda, enpresa edo gidari profesionalekin.

Bingoak, eta joko-, apustu- eta jolas-aretoak

- **Itxiak**; ez da inongo jarduerarik egingen barnean.

Ekitaldietarako erabilera anitzeko espazioak dauzkaten establezimenduak

- Baimenduta egonen da establezimendu hauen jarduera, salbu **ospakizun** familiarak, sozialak, lagun artekoak edo aisialdikoak badira, **jatekoak eta/edo edatekoak tarteko, barnealdean**, horiek **debekatuta** egonen baitira.
- **Kanpoaldeko ospakizunak** ez dira, nolana ere, **20 pertsona** baino gehiagokoak izanen.
- Kontsumoa: soilik mahaian eserita. Edonola ere, ahalik eta gehien erabiliko da maskara, eta pertsonen arteko tartea gordeko.
- Ez daude baimenduta dantzatzeko eremuak.
- Ixteko ordua: 21:00etan.

2 Mugikortasuna

Alarma-egoera

1. G- Alarma-egoerak indarrean jarraitzen du?

E- Bai. Espainia guztian alarma-egoerak indarrean jarraitzen du, SARS-CoV-2ak eragindako infekzioen hedapena geldiarazteko.

Kongresuak alarma-egoera maiatzaren 9ra arte luzatzea onartu zuen. Egoera epidemiologikoak hobera egiten badu, lehenago ken daiteke.

Nafarroan, Komunitateko lehendakaria da eskuordetutako agintari eskuduna.

2. G- Etxeratzeko aginduak indarrean jarraitzen du?

E- Bai.

Ezin da ibili erabilera publikoko bide edo espazioetatik, **23:00etatik 06:00etara bitartean.**

3. G- Ba al da salbuespenik etxeratzeko aginduan?

E- Bai. Salbuespen batzuk daude etxeratzeko aginduan.

23:00etatik 06:00etara bitartean, jarduera hauek egiteko bakarrik ibiltzen ahalko da Nafarroako Foru Komunitateko erabilera publikoko bide edo espazioetan:

- Sendagaiak, osasun produktuak eta premia biziko beste ondasun batzuk erostea.
- Osasun etxe, zerbitzu eta establezimenduetara joatea.
- Larrialdiko arrazoiengatik albaitaritzako zentroetara joatea.
- Laneko, lanbideko, enpresako, erakundeetako edo lege arloko betebeharrak betetzea.
- Ohiko bizilekura itzultzea, apartatu honetan ezarritako jardueretako batzuk egin ondoren.

- Adinekoei, adingabeei, mendekotasuna dutenei, desgaitasuna dutenei edo bereziki kalteberak direnei arreta ematea eta haiek zaintzea.
- Ezinbesteko edo premiazko kasuetan.
- Antzeko beste edozein jarduera egitea, behar bezala egiaztatuta.
- Gasolindegietan edo erregai-zerbitzuguneetan depositua betetzea, aurreko paragrafoetan aurreikusitako jarduerak egiteko beharrezkoa denean.

Konfinamendu perimetrala

4. G- Konfinamendu perimetralak indarrean jarraitzen du Nafarroan?

E- Bai, Nafarroan indarrean dago konfinamendu perimetrala. Hau da, mugatuta dago pertsonak Nafarroara libreki sartu eta bertatik ateratzea.

5. G- Ba al da salbuespenik konfinamendu perimetralean?

E- Bai. Salbuespen batzuk daude konfinamendu perimetralean.

Baimenduta dago jendea Nafarroako Foru Komunitatean libreki sartu eta bertatik ateratzea, arrazoi hauetako batengatik egiten diren eta **behar bezala justifikatuta dauden joan-etorrietan:**

- Osasun etxe, zerbitzu eta establezimenduetara joatea.
- Laneko, lanbideko, enpresako, erakundeetako edo lege arloko betebeharrak betetzea.
- Unibertsitateetara, ikastetxeetara eta heziketa zentroetara joatea, barne direla haur hezkuntzako eskolak eta irakaskuntza ez-arautua ematen duten akademiak, baita autoeskolak ere.
- Ohiko bizilekura edo familia-bizilekura itzultzea.
- Adinekoei, adingabeei, mendekotasuna dutenei, desgaitasuna dutenei edo bereziki kalteberak direnei arreta ematea eta haiek zaintzea.
- Mugakide diren lurraldeetako finantza eta aseguru entitateetara edo erregai-zerbitzuguneetara joatea.
- Organo publikoen, judzialen edo notarioen aurrean eskatutako jarduketak edo presako jarduketak egitea.

- Baimenak eta agiri ofizialak berritzea, bai eta atzeratu ezin diren beste administrazio-izapide batzuk ere.
- Atzeratu ezin diren azterketa edo proba ofizialak egitea.
- Honakoetan parte hartzen duten kirol taldeak, kirolariak, teknikariak eta arbitroak:
 - Estatuko txapelketa ofizial ez-profesionaletan eta Espainiako kirol federazioen menpeko nazioarteko txapelketetan. Haiei aplikatuko zaie Kirol Kontseilu Gorenak Estatuko 2020-2021eko denboraldiko txapelketa ofizial ez-profesionaletara itzultzeko prestatu duen jarduteko protokoloa.
 - Autonomia erkidegoetako eta erkidegoen arteko txapelketa ofizialak.
 - Horrez gain, maila eta errendimendu handiko kirolariak, apartatu honetan aipatzen diren lehiaketa ofizialak prestatzeko kontzentrazioetan parte hartzen dutenak.
- Ezinbesteko edo premiazko kasuetan.
- Antzeko beste edozein jarduera egitea, behar bezala egiaztatuta.

6. G- Baimenduta egon arren, Nafarroarako sarrerak eta irteerak justifikatu behar dira?

E- Bai.

- Beharrezkoa da Nafarroatik ateratzeko eta bertara sartzeko egiaztagiria izatea.
- Administrazioek ez dute ibiltzeko baimen berariazkorik emanen.

Nola justifikatzen den:

- Osasun zentro, zerbitzu eta establezimenduetara joatea:
 - Mediku-hitzorduen bidez.
- Laneko, lanbideko, enpresako, erakundeetako edo lege arloko betebeharrak betetzea:
 - Enpresaren ziurtagiriaren bidez.
 - Langile autonomoak: EJZn alta eman izanaren egiaztagiria (azken ordainagiria edo autonomo gisa inskribatuta dagoela egiaztatzen duen beste edozein agiri, instalatzaile ofizialaren txartela, etab.) eta enkargu-oharra, halakorik

badago, edo bezeroak egindako zerbitzuaren eskaeraren irudia (argazkia):

- Hitzorduen frogagiria.
- Unibertsitateetara, ikastetxeetara eta heziketa zentroetara joatea, barne direla haur hezkuntzako eskolak eta irakaskuntza ez-arautua ematen duten akademiak, baita autoeskolak ere.
 - Unibertsitatez kanpoko irakaskuntzak: matrikulazio-orria edo ikastetxeak emandako dokumentua.
 - Unibertsitate-ikasketak: unibertsitate-txartela.
 - Haur Hezkuntzako eskolak: matrikulazio-orria edo ikastetxeak emandako dokumentua.
 - Irakaskuntza ez-arautuak ematen dituzten akademiak, autoeskolak barne: ikastetxeak emandako dokumentua.
- Ohiko bizilekura edo familia-bizilekura itzultzea.
 - NANA edo erroldatze-ziurtagiria.
 - Ohiko etxebizitza ez badator bat NANean agertzen denarekin, orduan aurkeztu behar da errentamendu-kontratua, etxebizitzaren eskriturak, horniduren ordainagiriren bat, etab.
- Adinekoei, adingabeei, mendekotasuna dutenei, desgaitasuna dutenei edo bereziki kalteberak direnei arreta ematea eta haiek zaintzea.
 - Ziurtagiri sozialen edo medikoen bidez.
 - Ziurtagiri sozial edo medikorik ez duten adinekoei dagokienez, arreta jasoko duen pertsonaren NANaren fotokopia.
- Mugakide diren lurraldeetako finantza eta aseguru entitateetara edo erregai-zerbitzuguneetara joatea.
 - Hitzorduaren egiaztagiria, hitzordurik balego, kudeaketa egiaztatzen duen dokumentua, edo entitateak egindako dokumentua.
- Organo publikoen, judizialen edo notarioen aurrean eskatutako jarduketak edo presako jarduketak egitea.
 - Hitzorduaren egiaztagiria, hitzordurik balego, edo kudeaketa egiaztatzen duen dokumentua.

- Baimenak eta agiri ofizialak berritzea, bai eta atzeratu ezin diren beste administrazio-izapide batzuk ere:
 - Hitzorduaren egiaztagiria, hitzordurik balego, edo kudeaketa egiaztatzen duen dokumentua.
- Atzeratu ezin diren azterketa edo proba ofizialak egitea.
 - Zentroak emandako dokumentua edo onartuen behin betiko zerrendak aurkeztea.
- Kirol taldeak, kirolariak, teknikariak eta arbitroak.
 - Izen-ematea, tasen ordainagiria (egonez gero), lehiaketaren egutegi ofiziala edo beste edozein egiaztagiri.
- Ezinbesteko edo premiazko kasuengatik, eta antzeko beste edozein jarduerarengatik, behar bezala egiaztatuta:
 - Beharra edo premia egiaztatuz.

7. G- Errepidez zirkulatzean Nafarroa zeharkatu al daiteke?

E- Nafarroa gurutzatzen duten errepideetan eta bideetan zirkulatzea baimenduta dago, baldin eta bidaiaren jatorria eta destinoa Nafarroatik kanpo badaude.

8. G- Ba al dago udalerrri konfinaturik Nafarroan?

E- Bai. Konfinatuta daude honako udalerrri hauek:

- Milagro: apirilaren 15era arte, egun hori barne.
- Arguedas: apirilaren 19ra arte, egun hori barne.
- Cadreita: apirilaren 9tik 22ra bitarte, biak barne.

Honako esteka hauetan dago ezarritako neurriei buruzko informazio guztia: [Milagro](#), [Arguedas](#) eta [Cadreita](#).

Bilerak eremu publikoan eta pribatuan

9. G- Zenbat pertsona bil gaitzke espazio publikoetan?

E-

- **Espazio publiko itxietan lau pertsona** bilduko dira **gehienez**, salbu eta bizikidetza-unitate bereko pertsonak badira.
- **Espazio publiko irekietan sei pertsona** bilduko dira **gehienez**, salbu eta bizikidetza-unitate bereko pertsonak badira.

Mugatzen, baldintzatzen edo debekatzen ahalko dira **igarobide publikoetan egiten diren bilerak eta manifestazioak**, hots, Konstituzioaren 21. artikuluan araututako oinarrizko eskubidea erabiliz egindakoak, baldin eta ez bada bermatzen kutsatzeak eragozteko behar den segurtasun-tartea sustatzaileek aurkeztutako alde aurreko jakinarazpenean.

10. G- Zenbat pertsona bil gaitzke bilera pribatu batean?

E- Bizikideak soilik. Erabilera pribatuko espazioetan, bizikidetza-unitate berekoak baizik ezin dira elkartu, zaintzaileak eta laguntzaileak barne.

Ez dira sartuko muga horretan:

- Laneko edo erakundeetako jarduerak, garraioarenak edo Hezkuntzari buruzko Lege Organikoaren 3. artikuluko irakaskuntzak ematen dituzten ikastetxeenak, unibertsitateko irakaskuntza barne; era berean, ez dira sartuko aplikatzekoak diren arauetan berariazko neurriak ezarriz arautzen diren horiek.

11. G- Lantokian 6 pertsona baino gehiago bil gaitzke?

E- Bai. Hala ere, kontu handiz ibili behar da: maskara erabiliz, pertsonen arteko 1,5 metroko tartea utziz, eskuak garbituz, dokumenturik partekatu gabe, etab.; eta maiz aireztatu behar da lantokia.

Gomendatzen da on line bilkurak lehenestea.

Mugikortasunari buruzko beste galdera batzuk

12. G- Frantziara pasa gaitzke Nafarroako mugatik?

E- Ez. Ezin da Frantziara pasatu, aurreikusitako salbuespenezko kasuetan izan ezik.

13 G- Har dezakegu ostatu landetxe batean?

E- Bai. Nolanahi ere, kontuan izan alderdi hauek:

Etxebizitza-landetxeak, apartamentu turistikoak, eta osorik alokatzen diren etxebizitza turistikoak

- **Espazio pribatuetan, bizikidetzaren unitate berekoak** baizik ezin dira elkartu. **Hau da, elkarrekin bizi direnak baizik ezin dira elkarrekin ostatatu.**

Gelaka alokatzen diren landetxeak:

- Gainerako hotel-establezimenduetan bezala jokatuko da.
- Hoteletako eta ostatu turistikoetako eremu amankomunetan, okupazioak ezin izanen du gainditu baimendutako gehieneko edukieraren % 50, eta une oro mantendu beharko da 1,5 metroko segurtasun-tartea pertsonen artean.

14 G- Lasterka egitera noa, maskara jantzita eraman behar dut?

E-

Lasterkariak ("runners"), jarduera fisikoan ari direnean, **maskara erabili beharko dute beti ezin dutenean bermatu pertsonen arteko 1,5 metroko segurtasun-tartea**, Osasuneko kontseilariaren uztailaren 15eko 34/2020 Foru Aginduak ezartzen duenaren arabera.

Gomendatzen da jarduera fisiko hori **banaka egitea, eta ez taldeka, jende asko dagoen tokietan, hala nola parke, ibai ondoko pasealekuetan, hirigunean edo antzekoetan.**

15 G- Bidaiatzen ahal dugu elkarrekin autoz, furgonetaz eta abarrez bizikideak ez garenok?

E- Bai. Baina aholkatzen da ez egitea, behar-beharrezkoa ez bada.

Nahitaezkoa da maskara erabiltzea eta higie-neurri guztiak hartzea, baita barnealdea maiz aireztatzea ere.

Gizarte esparruan, bizikideak ez direnekin harremanak mugatzea gomendatzen da.

16 G- Kalean erre daiteke?

E- Oinezkoek pasiboki ez erretzeko duten eskubidea zaindu eta babesteko, eta orobat COVID-19aren kutsapen arriskua murrizteko, **kalean, eserlekuetan, ostalaritzako terrazetan, espazio publikoetan eta antzekoetan erretzen ahalko da, baina erretzaileak geldirik egonen dira, mugitu gabe, eta gutxienez ere pertsonen arteko 2 metroko tartea egonen da.**

17 G- Erre daiteke taberna, kafetegi, jatetxe eta abarretako terrazetan?

E- Debekaturik dago terrazetan erretzea, zigarreta elektronikoak barne, edo nikotina bota dezaketen gailuak erabiltzea, baldin eta ezin bada bermatu 2 metroko segurtasun-tartea terrazan dauden pertsona guztien artean.

Halere, **gomendatzen zaie** bezeroei bertan ez erretzea, arriskua dagoelako erretzaileak aerosolen emisioa handitzeko, eta, horren ondorioz, COVID-19a kutsatzeko.

18 G- Espetxeetara joateko aukera dago?

E- Bai, baldin eta Espetxe Agintaritzak emandako baimena baduzu.

19 G- Joan naiteke beste autonomia erkidego bateko hileta batera?

E- Hildakoarekin bigarren mailara arteko odol-ahaidetasuna edo ezkontza-ahaidetasuna justifikatuz gero, bertaratzeko aukera dago. Dena den, galdetu beharko duzu zein diren helmugako autonomia erkidegoan ezarritako neurriak.

20 G- IATko hitzordu batera joan naiteke beste autonomia erkidego batera?

E- Ez, ezin duzu, egiaztatu ezean Nafarroako IATetan hitzordurik ez dagoela zure IATak indarra galdu baino lehen.

21 G- Animaliak ditut beste autonomia erkidego bateko finka batean. Joan naiteke jaten ematera?

E- Bai, jaten ematera eta zaintzera joan zaitezke.

Ahal izanez gero, pertsona bakar batek joan beharko du, eta zeregin horiek egiteko behar den denborarako baino ez. Animalien jabea nor den eta non bizi diren egiaztatu beharko da.

22 G- Atera dezaket txakurra paseatzera etxeratzeko aginduaren ordutegian?

E- Ez. Hala ere, salbuespen hau egin daiteke:

- Lan-ordutegiengatik justifikatzen baduzu zure animaliak etxetik irten gabe egon behar duela denbora tarte luze batean, etxeratzeko aginduaren ordutegian atera ahalko zenuke. Hala ere, honako hauek egin behar dituzu:
- Ibilaldi laburrak egitea, animaliaaren behar fisiologikoak asetzeko behar den denboran eta etxetik gertu
- Beste animalia eta/edo pertsona batzuekin kontakturik ez izatea.
- Enpresaren ziurtagiri bat eramatea, lan-ordutegia adierazten duena, eta egiaztatzea bakarrik bizi zarela edo bizikidetzaren unitateko beste inork ezin duela animalia atera.

23 G- Auto bat erosi dut beste autonomia erkidego batean. Horren bila joan naiteke?

E- Hasiera batean, ez legoke justifikatuta beste erkidego bateko kontzesionario batean ibilgailu pertsonal edo familiar bat jasotzea. Hala ere, Nafarroatik irteteko arrazoi justifikatuak egon daitezke:

- Erretiratzeko epeak ezartzen dituen portu franko batean dago ibilgailua.
- Ibilgailua lanerako edo baimendutako beste jarduerara batzuetarako beharrezko elementua da, adibidez: adinekoak, adingabeak edo desgaituak artatzeko.

3 Prebentzio neurri ezohikoak

24 G- Zer prebentzio neurri orokor bete behar ditugu birusaren transmisioa gutxitzeko?

Zehazki, honako prebentzio neurri hauek bete beharko ditugu:

- **Maskara behar bezala erabiltzea**, indarra duen araudiarekin bat.
- **Maskarak erabiltzea** hezkuntza-eremuan.
- Pertsonen arteko **tartea**: 1,5 metro gutxienez.
- **Eskuak garbitzea**: soluzio hidroalkoholikoaz edo ur eta xaboiak.
- **Erabilera publikoko establezimenduak**:
 - o **Aireztatzea, ahal dela modu naturalean eta etengabe.**
 - o **Lokalak ahalik eta gehien aireberritu behar dira**, eta, betiere, egunean hirutan gutxienez.

Ostalaritzako establezimenduak eta jatetxeak

25 G- Kontsumitu daiteke ostalaritzako establezimenduetako eta jatetxeetako barnealdean?

E- Ez.

Jarduera oro debekatzen da taberna berezi, ikuskizunetarako kafetegi, taberna, kafetegi eta jatetxe gisako lizentzia duten Nafarroako Foru Komunitateko **establezimenduen barnealdean, salbu eta edaria eskatzeko, tabakoa eskuratzeko eta komunak erabiltzeko.**

Salbuespenak

Barnealdea itxi beharretik salbuetsita daude honako hauek:

- **Hoteletako eta bestelako ostatuetako jantokiek** otorduetako zerbitzua ematen ahalko diete **horietan ostatu hartu dutenei bakarrik**. Horretarako, zorrotz bete beharko dira osasun arloko prebentzio neurri orokorrak, eta **gehienez lau pertsona egonen dira mahai bakoitzean**.

Jatetxeetan **ez da 21:00etan ixteko ezarritako ordutegi orokorra aplikatuko**, ezpada establezimenduak bezeroekin daukan ordutegi arrunta.

- **Zentro eta zerbitzu sanitarioen eta soziosanitarioen barneko zerbitzuak, eskola eta unibertsitateetako jantokiak eta jantoki sozialeko zerbitzuak.**

26 G- Ogia eta/edo kafea saltzeko zerbitzua duten establezimenduetan, barnealdean kontsumitu daiteke?

E- Ez.

Ogia eta/edo kafea saltzeko zerbitzua duten establezimenduetan, **zerbitzu hori baimenduko da produktua eramateko (edo terrazan kontsumitzeko, baldin badago), baina ezin izanen da establezimenduko barnealdean kontsumitu.**

21:00etan itxi beharko dute beranduenez.

27 G- Baimendu al daiteke, salbuespenez, zerbitzua ematea ostalaritzako establezimendu eta jatetxe jakin batzuetako barnealdean?

E- Bai.

Salbuespenez, establezimenduetako barnealdea irekitzeko baimena ematen ahalko da, baldintza hauek betetzen badituzte:

- Establezimenduen **bezeroak** bidaiarien nahiz salgaien **garraio arloko langileak izatea, hori frogatzen badute C edo D gidabaimenarekin** edo kasuan kasuko **gaitasun profesionalaren agiriarekin.**
- **Establezimenduak gasolina-zerbitzuguneetan edo errepedeko zerbitzuguneetan kokatuta egotea**, hirigunetik kanpo eta Nafarroako errepede nagusietan, aparkalekua badute bost trailer kamioirentzat baino gehiagorentzat eta bazkarien eta afarien zerbitzua ematen badute.

Orobat, jatetxe zerbitzua **baimenduko da, baldintza hauek betez gero:**

- **Zerbitzua** aurretik aipatutako langileei **emanen zaie bakarrik (garraio arloko langileak, C edo D gidabaimena edo gaitasun profesionalaren agiria dutenak).**
- Baimendutako establezimenduetako **barnealdea itxita egonen da jende arruntarentzat.**

- Osasun-agintaritzak oro har ezarritako higiene eta segurtasun neurriak bete behar dira, eta zehazki, jatetxeetarako ezarritakoak.
- Establezimenduen jabeek begiratu eta bermatu behar dute une oro betetzen direla osasun segurtasunaren arloko neurriak.

Baldintza horiek betetzen dituzten eta Osasuneko zuzendari nagusiaren ebazpen bidez **aldez aurretik baimena duten establezimenduen baimenek indarrean jarraituko dute, baldin eta eskatutako baldintzak betetzen jarraitzen badute.**

Hala ez bada, establezimendu horiek irekitzea eskatu ahal izateko, [formulario](#) hau bete eta turismo.comercio.covid19@navarra.es helbidera igorri behar da.

28 G- Ostalaritzako establezimenduek eta jatetxeek prestatu eta zerbitza dezakete etxera eramateko janaria?

E- Bai.

Janariak prestatu eta zerbitzatzeko ahaliko dira, etxera eramateko edo **aurretiko hitzordua izanda** establezimenduan jasotzeko, **22:30ak arte.**

29 G- Irekita daude terrazak ostalaritzako establezimenduetan eta jatetxeetan?

E- Bai.

Irekita jarraituko dute taberna berezi, ikuskizunetarako kafetegi, taberna, kafetegi eta jatetxe gisako lizentzia duten establezimenduek eremu publikoan dituzten aire zabaleko terrazek.

30 G- Zer ordutan itxi behar dute ostalaritzako establezimenduetako eta jatetxeetako terrazak?

E- 21:00etan, establezimendua husteko lanak barne, eta barnealdea ere bai.

31 G- Erre daiteke ostalaritzako establezimenduetako eta jatetxeetako terrazan?

E- Debekaturik dago terrazetan erretzea, zigarreta elektronikoak barne, edo nikotina bota dezaketen gailuak erabiltzea, **baldin eta ezin bada bermatu 2 metroko segurtasun-tartea** terrazan dauden pertsona guztien artean.

Halere, **gomendatzen zaie bezeroei** terrazetan **ez erretzea**, arriskua dagoelako erretzaileak aerosolen emisioa handitzeko, eta, horren ondorioz, COVID-19a kutsatzeko ere

32 G- Maskara jantzi behar dugu tabernako edo jatetxeko terrazan?

E- Bai.

Maskara erabiltzea nahitaezkoa izanen da beti, salbu eta edateko edo jateko unean.

Kontrolatuko da bezeroek maskara behar bezala erabiltzen dutela.

33 G- Zertaz ari gara "terrazak" aipatzean? Zer ezaugarri izan behar dute?

E- Aire zabaleko terrazak honako hauek dira:

- Gehienez ere bi hormak, paretak edo paramentuk inguratua, gehieneko azalera itxia aldeko perimetroaren % 50ekoa duena, terraza atxikia duen eraikinaren fatxada barne, halakoa bada.
- Ez dira paramentutzat hartzen espazio fisikoak mugatzeko erabiltzen diren eta airearen zirkulazio librea ahalbidetzen duten elementuak, finkoak nahiz mugikorrak, altuera edo bolumen gutxikoak (gehienez ere metro batekoak).
- Lehendik dauden eta baimenduta dauden terrazetan ez dira paramentutzat hartuko garaiera handiagoko elementuak, finkoak edo mugikorrak, baldin eta ez badira 1,60 metrotik gorakoak.

34 G- Zer baldintza bete behar dituzte terrazek ostalaritzako establezimenduetan eta jatetxeetan?

E- Terrazak baldintza hauek betez irekiko dira:

- **Mahaien arteko tartea 2 metrokoa izan behar du**, mahaien ertzetik neurtuta.

- Establezimenduetako titularrek **seinaleak** egin beharko dituzte **lurrean**, mahaiak kokatu behar diren tokietan, segurtasun-tartea errespetatze aldera.
- **Maskara erabiltzea nahitaezkoa izanen da beti, salbu eta edateko edo jateko unean.**
- Kontrolatuko da bezeroek maskara behar bezala erabiltzen dutela.
- **Debekaturik dago** terrazetan **erretzea**, zigarreta elektronikoak barne, edo nikotina bota dezaketen gailuak erabiltzea, **baldin eta ezin bada bermatu 2 metroko segurtasun-tartea** terrazan dauden pertsona guztien artean.
- Halere, gomendatzen zaie bezeroei terrazetan ez erretzea, arriskua dagoelako erretzaileak aerosolen emisioa handitzeko, eta, horren ondorioz, COVID-19a kutsatzeko arriskua ere.
- **Mahaian eta eserita** eginen da kontsumoa.

35 G- Zenbat pertsona bil gaitzke terraza batean?

E-

- Mahai bakoitzaren bueltan, **gehenez ere, lau pertsona egoten ahal dira**. Salvuespen gisa, **gehenez ere sei pertsona elkartzen ahalko dira, baldin eta mahaiaren edo mahai multzoen neurriek 1,5 metroko segurtasun-tartea bermatzen badute** pertsonen artean.
- **70 cm baino gutxiagoko aldea edo diametroa duten mahaien eta/edo upelen bueltan gehenez ere bi pertsona** egonen dira eta, kasu guztietan, eserita.
- Mahaian eta eserita eginen da kontsumoa.

36 G- Handitu al dezakegu aire zabaleko terrazarako eremua?

E- Toki-erakundeei gomendatzen zaie aukerak azter ditzatela aire zabaleko terrazarako eremuak handitzeko, baina beti bermatu beharko da mahaien arteko eta pertsonen arteko segurtasun-tartea.

Turismoko ostatuak

37 G- Turismoko ostatuak irekita daude?

E- Bai. Turismoko ostatuen jarduera ez dago geldiarazia Nafarroan.

Hotelak

- Hoteletako eta ostatu turistikoetako eremu amankomunetan, okupazioak ezin izanen du gainditu baimendutako gehieneko edukieraren % 50, eta une oro mantendu beharko da 1,5 metroko segurtasun-tartea pertsonen artean.
- Hoteletako eta ostatu turistikoetako kirol-instalazioei dagokienez (adibidez, igerilekuak eta gimnasioak), instalazio horietarako berariazko neurriak aplikatu beharko dituzte.

Aterpetxeak

- Aterpetxeak: **ohatzeak (literak) dituzten logeletan** ezin bada pertsonen arteko gutxieneko segurtasun tartea gorde, okupazioa baimenduriko gehieneko **edukieraren ehuneko hogeita hamar** izatea baimenduko da.
- Pertsonen arteko gutxieneko segurtasun-tartea bermatzea ahalbidetzen duten oheak dituzten logelak edo **logela bereziak dituzten aterpetxeetan**, okupazioa baimenduriko **gehieneko edukieraren ehuneko berrogeita hamar** izatea baimenduko da.
- Establezimenduaren titularrek antolamendu neurri batzuk ezarriko dituzte, egokiak direnak pilaketak saihesteko eta barnealdean pertsonen arteko segurtasun-tartea gordetzen saiatzeko. Bestela, babes fisikorako beste neurri batzuk ezarriko dituzte bezeroak elkarrengandik zein langileengandik behar bezala babesteko, maskara janztea ekarriko dutenak.
- Establezimenduak jatetxe edo ostalaritzako zerbitzu motaren bat ematen badu, zerbitzuak establezimendu horietarako ezarritako baldintzak beteko ditu.

Elkarte gastronomikoak eta peñak

38 G- Elkarteek itxita jarraitu behar dute?

E- Bai

Bertan behera dago elkarte gastronomikoen eta peñen jarduera, **eta itxita egon behar dute.**

Jardueren etete horretatik **salbuetsita daude** bostehun biztanle baino gutxiagoko udalerrri eta kontzeju txikietan kokatutakoak, udalerrri edo

kontzejuan ez badago kafetegi, jatetxe edo tabernarik, eta haiek badira herritarrek elkartzeko dituzten lokal bakarrak. Kasu horietan, eta salbuespen gisa, alkateek baimena eman dezakete horiek irekitzeko, baldin eta eskatzen diren baldintzak betetzen badituzte eta ostalaritzarako eta jatetxeetarako aurreikusitako osasun arloko prebentzio neurri guztiak betetzen badira.

Garraioa

39 G- Zer neurri gomendatzen dira bidaiari gutxiago elkar daitezen garraiobideetan jende gehien ibiltzen den orduetan?

E- Gomendatzen da enpresek eta administrazio publikoek langileen sarrera-irteerak malgutu ditzatela, edo erraztasunak eman, bidaiari gutxiago elkar daitezen Iruñerriko hiri-garraio erregularreko linea nagusietan jende gehien ibiltzen den orduetan.

40 G- Zer baldintza bete behar ditu garraioak?

E- Iruñerriko hiri-garraio kolektibo erregularreko ibilgailuen okupazioa murriztu eginen da baimendutako gehieneko edukieraren % 50era, ordu-tarte guztietan, betiere flotaren gehieneko edukierak horretarako aukera ematen badu.

Ibilgailuetan, **baldintza** hauek bete beharko dira:

- Ireki daitezkeen leihatilak izanez gero, **guztiek** irekita egon beharko dute airearen zirkulaziorako.
- **Sarreran eta irteeran gel hidroalkoholikoaren banagailuak** paratuko dira, **eta erabiltzaileei gogoraraziko zaie komeni dela eskuak garbitzea** autobusera sartzean eta horretatik ateratzean.
- **Hiriarteko garraioari dagokionez, eskatuko da autobusetan gel hidroalkoholikoa egotea** sarreran zein irteeran, eta erabiltzaileei gogoraraziko zaie komeni dela eskuak garbitzea autobusera sartzean eta horretatik ateratzean.
- Aurretik aipatutakoa ez zaio eskola-garraioari aplikatuko, jada aplikagarriak zaizkien osasun-babeserako neurriak ezertan eragotzi gabe.

Haurren jolastokiak eta aire zabaleko kirol eremuak

41 G- Joan gaitzke jolastokietara edo aire zabalean dauden erabilera publikoko kirol eremuetara?

E- Bai, haurren jolastokiak eta aire zabaleko kirol eremuak erabiltzen ahal dira, baldin eta **ez bada gainditzen baimendutako gehieneko edukieraren % 75.**

21:00etan itxi behar dute beranduenez

Ezkontzak, bataioak, jaunartzeak eta bestelako ekitaldiak

42 G- Ezkontzak, bataioak, jaunartzeak eta beste ospakizun sozial, familiar, erlijioso edo zibil batzuk. Zer edukiera gorde behar da?

- Gurtza-lekuetan egiten badira, leku horietarako ezarritako edukieren arabera arautuko dira.
- Gurtza-lekuetan **ez da gainditzen ahalko baimendutako gehieneko edukieraren % 30**, eta, nolana ere, **ez da 150 pertsona baino gehiago** egoten ahalko.
- **Ospakizunetan ez abestea gomendatzen da.**
- Gurtza-lekuak ez diren lokaletan ospatzen direnen kasuan, pertsonen artean 1,5 metroko segurtasun-tartea errespetatu beharko da (hots, 2,25 metro koadro pertsona bakoitzeko) lokal horien barnean.

Zeremonia ondoko ospakizunak

Ezkontza, bataio, jaunartze eta bestelako ospakizun sozial, familiar, erlijioso edo zibil batzuetan, zeremoniaren ondotik ospakizunak egiten badira **ostalaritzako establezimenduen edo jatetxeen kanpoaldean**, errespetatu beharko dira **1,5 metroko segurtasun-tarteak** pertsonen artean, eta **ez da behin ere gaindituko 20 pertsonako kopurua**. Ulertzen da muga hori ospakizunetan ari den talde bakoitzari dagokiola, ongi bereizitako eremuetan baldin badaude.

Ez dago baimenduta dantzatzeko pista edo horretarako prestatutako eremua erabiltzea.

Hiletak, beilak eta gurtza-lekuak

43 G- Zer baldintza bete behar dira hileta eta beiletan?

E- Hiletetan eta beiletan **gehenez ere 50 pertsona biltzen ahalko dira aire zabalean direnean, eta 10 pertsona gehenez toki itxietan direnean. Hiletan segizioan 50 pertsona elkartzen ahalko dira gehenez.**

44 G- Edukieraren zer ehuneko bete daiteke gurtza-lekuetan?

E- Gurtza-lekuetan, **ezin izanen da gainditu baimendutako gehieneko edukieraren % 30, eta, betiere, 150 pertsona gehenez**; sarrerak eta irteerak mailakatuak izanen dira, eta saihestuko da jendea pilatzea, bai gurtza-lekuen barruan bai sarbideetan eta irteeretan.

Ebidentzia zientifikoa baitago adierazten duena kantuaren bidez kutsatzeko arriskua handitzen dela, **gomendatzen da ospakizunetan ez kantatzea.**

Gomendatzen da gurtza jarduerak 21:00ak arte egitea, une oro errespetatuz edukieraren mugak eta Osasuneko kontseilariaren otsailaren 23ko 5/2021 Foru Aginduan aurreikusitako osasun arloko neurri orokor guztiak.

Txikizkako merkataritza establezimenduak eta lokalak eta jarduera eta zerbitzu profesionalekoak, jendearentzat irekita daudenak.

45 G- Edukieraren zer ehuneko bete daiteke txikizkako merkataritza establezimendu eta lokaletan eta jarduera eta zerbitzu profesionalekoetan, jendearentzat irekita badaude?

E-

- Ezin izanen da gainditu **baimenduriko gehieneko edukieraren % 50.**
- **21:00etan itxi behar dute** beranduenez.

- Establezimenduen ate nagusietan, bai barrualdean bai kanpoaldean, **ongi ikusten den kartel bat** jarri beharko da, gutxienez ere DIN A3 tamainakoa, eta **horretan adierazi beharko dira lokalaren gehieneko edukiera eta orain baimentzen dena.**

Hipermerkatuak, saltoki ertain eta handiak, merkataritza-gune edo merkataritza-parkeak, eta haien parte direnak.

46 G- Zer neurri bete behar dira hipermerkatuetan, saltoki ertain eta handietan, merkataritza-gune edo merkataritza-parkeetan, eta haien parte diren guneeetan?

E-

- Apirilaren 1etik 9ra, **ez dute gainditzen ahalko bertan kokatutako merkataritza-lokal bakoitzean baimendutako gehieneko edukieraren % 30.**
- Puntu honetan aipatutako **establezimenduetan dauden zinemei**, ezarritako arau eta ordutegi berariazkoak aplikatuko zaizkie.
- Irekita egoteko ordutegia **21:00ak artekoa** izanen da beranduezez.
- Merkataritza-guneetako establezimenduen ate nagusietan, bai barrualdean bai kanpoaldean, **ongi ikusten den kartel bat edo pantaila bat** edo antzekoa jarri beharko da, eta **horretan adierazi beharko da lokalaren edukiera.** Kartela, pantaila edo antzekoa gutxienez ere DIN A3 tamainakoa izanen da.
- Establezimenduen ate nagusietan, ongi ikusten den kartel bat eta/edo antzeko pantaila bat jarri beharko da, gutxienez ere 70 x 120 cm izanen dituen, eta hor adieraziko da zein den establezimenduaren gehieneko edukiera orokorra (merkataritza-gunean dauden establezimendu guztietan baimendutako edukieren batura).
- Ez da utziko bezeroak gune komunetan egotea, barne direla atsedenguneak, saltokien arteko joan-etorrietarako ez bada.
- Josteta eremuak itxita egon beharko dira, hala nola haurren jolastokiak edo antzekoak.

Azoka txikiak

47 G- Zer baldintza bete behar dituzte azoka txikiek?

E- Bide publikoan, aire zabalean nahiz salmenta ez-sedentarioan aritzen diren azoketan, hots, azoka txikiak deitu ohi diren horietan:

- **Saltokiak aurrez aurre bereizita** egon beharko dira **igarobide baten bidez**, erabiltzaileak handik igaro daitezen. Igarobide horrek **gutxienez ere 4,5 metroko zabalera** izan beharko du, eta bermatu beharko du **erabiltzaileen artean gutxienez ere 1,5 metroko tartea** gordetzen ahal dela.
- **Elkarren ondoko bi saltokien artean elementu isolatzaileak paratu beharko dira**, elkarren artean independente izan daitezen; halakorik ez bada, 1,5 metroko tartea egon beharko da, gutxienez.
- **Erabiltzaileak ezin izanen dira inolaz ere saltokien alboetatik ibili**. Barrutiak **sartzeko gune bat eta irteteko beste bat edukiko ditu**, eta biak ongi bereizita egonen dira.
- **21:00etan itxi behar dute** beranduenez.

Ekitaldietarako funtzio anitzeko espazioak dauzkaten establezimenduak

48 G- Ireki daitezke ekitaldietarako funtzio anitzeko espazioak dauzkaten establezimenduak?

E-

- **Baimenduta egonen da** establezimendu hauen jarduera, **salbu ospakizun familiarak, sozialak, lagunen artekoak edo aisialdikoak badira, jatekoak eta/edo edatekoak tarteko, barnealdean egindakoak, horiek debekatuta egonen baitira**.
- Establezimenduen **kanpoaldean** egiten diren **ospakizunetan**, ez da behin ere gaitutako **20 pertsonako** kopurua. Ulertzen da muga hori ospakizunetan ari den talde bakoitzari dagokiola, ongi bereizitako eremuetan baldin badaude. **Mahaian eserita baino ezin da kontsumitu**, eta ostalaritzarako eta jatetxeetarako zehaztutako neurri guztiak bete beharko dira.
- Edonola ere, **ahalik eta gehien erabiliko da maskara, eta pertsonen arteko tartea gordeko**.
- **Ez da baimenduko dantzatzeko eremurik erabiltzea**.

- **Ixteko ordua: 21:00etan**

Akademiak, autoeskolak, eta irakaskuntza ez-arautuko ikastetxeak eta prestakuntza zentroak.

49 G- Edukieraren zer ehuneko bete daiteke akademia, autoeskola eta irakaskuntza ez-arautuko ikastetxeetan eta prestakuntza zentroetan?

E- Akademia, autoeskola, eta irakaskuntza ez-arautuko ikastetxeetan eta prestakuntza zentroetan, jarduera **aurrez aurrekoa izaten ahalko da**, baldin eta **gainditzen ez bada** baimendutako **gehieneko edukieraren % 50** eta bermatzen bada 1,5 metroko segurtasun-tartea pertsonen artean.

21:00etan itxiko dira beranduenez.

Kirol-jarduerak eta -instalazioak

Jarraian, Nafarroako Foru Komunitatean kirol-jarduera garatzeko ezohiko prebentzio-neurri espezifikoak azaltzen dira.

Argibide gehiago hemen:

<https://www.deportenavarra.es/imagenes/documentos/faqs-nueva-normalidad-deporte-navarra-11-marzo-2021-438-es.pdf?ts=20210316142108>

50 G- Zer neurri bete behar dira kirol-jardueretan eta -instalazioetan?

E-

- Kirol-jardueretarako edukierak, barnealdean nahiz kanpoaldean egiten direnetarako, Kirolaren Institutuko zuzendari kudeatzailearen ebazpen baten bidez ezarriko dira.
- Debekatuta dago aldagelak, dutxak, iturriak, saunak, bainu turkiarrak edo antzekoak erabiltzea.

- Aldagelak erabiltzen ahalko dira bakar-bakarrik zuzendutako kirol-jarduera fisikoetan, baita baimendutako entrenamendu eta lehiaketetan ere.
- Baimenduta dago dutxak erabiltzea, banaka; hau da, ezin izanen dituzte pertsona batek baino gehiagok erabili aldi berean. Neurri hau ez da aplikatuko baimendutako lehiaketetan.
- Gimnasioetan kirol-jarduera egiteko, hitzordua eskatu beharko da aurretik. Mugitzea eskatzen duten jardueretarako, 20 m²-ko espazioa gordeko da pertsona bakoitzeko. Mugitu gabe egiten diren jardueretan, berriz, 8 m²-ko espazioa mantenduko da pertsona bakoitzeko. Nolanahi ere, **nahitaezkoa izanen da maskara erabiltzea**.
- Kirol kolektiboetako taldeak osatzen dituzten kirolariek **entrenamendu** osoak egin ditzakete **aire zabalean**, gehienez ere 25 pertsona bitarteko taldeetan kirol instalazio bakoitzeko. Aire zabaleko banakako kirol entrenamenduetan ere 25 pertsonak parte hartzen ahalko dute, gehienez, entrenamendu-talde bakoitzeko.
- Lehiaketa ez-profesionalak eta kirol-ekitaldiak ikusleekin egiten ahalko dira, baldin eta ez bada gainditzen baimendutako gehieneko edukieraren % 50. Instalazio itxietan, 200 pertsona joaten ahalko dira gehienez publiko gisa, eta beti errespetatu beharko dira 1,5 metroko segurtasun-tartea pertsonen artean eta maskararen erabilera egokia.
- Lehiaketa ez-profesionalen eta aire zabaleko instalazioetan egiten diren kirol-ekitaldien kasuan, 400 pertsona joaten ahalko dira gehienez publiko gisa, eta beti errespetatu beharko dira 1,5 metroko segurtasun-tartea pertsonen artean eta maskararen erabilera egokia.
- Barrualdean 200 pertsona baino gehiago eta kanpokoetan 400 pertsona baino gehiago biltzen dituzten jardueretarako, Nafarroako Osasun Publikoaren eta Lan Osasunaren Institutuaren txosten loteslea beharko da.
- Nolanahi ere, debeku da jatea eta edatea kirol-lehiaketa eta -ekitaldietan.
- Aire zabalean antolatutako **txapelketa eta probetan** partaidetza-indizea handia bada, esate baterako, txirringularitza probak, atletismo lasterketak, mendi-lasterketak, irristaketa, triatloia eta abar badira, gehienez ere 200 partaide izanen dira aldi berean. Gehieneko kopuru hori gaindituz gero, Osasun Departamentuari eskatu behar zaio alde zuzeneko baimena.
- Gune itxietan egiten diren lehiaketa eta probetan, gehienez ere 50 parte-hartzaile izanen dira aldi berean. Gehieneko kopuru hori gaindituz

gero, Nafarroako Kirolaren Institutuari eskatu behar zaio alde zuzeneko baimena.

- 21:00etan itxiko/bukatuko dira beranduez. Hala ere, 21:00etatik aurrera erabiltzen ahalko dira kirol-instalazioak lehiaketak eta entrenamenduak egiteko, baldin eta horretarako baimena ematen badu instalazioaren titularrak. Entrenamenduen kasuan, 22:00ak arte egiten ahalko dira.
- Nafarroako Foru Komunitatean **kirol-ekitaldiak** antolatze eta egiten ahalko dira, Nafarroako Kirol Institutuak eta Nafarroako Osasun Publikoaren eta Lan Osasunaren Institutuak aurrez aldeko txostena eman ondoren. Nafarroan kirol-ekitaldi bat antolatu eta egin nahi duen entitateak jarduteko protokolo bat igorri beharko du alde zuzeneko Nafarroako Kirol Institutura. Protokolo horretan, inplikaturako pertsona guztien osasuna babesteko neurri espezifikoak ezarriko dira, osasun-agintariek ezarritako irizpideekin bat etorriz.
- 2021eko otsailaren 26tik aitzina, **Nafarroa mailako lehiaketa ofizialak egiten ahalko dira** zeinahi kirol-modalitateetako kontaktu- edo aurkakotasun-kiroletan, senior kategorian edo antzekoetan, gazte kategorian eta antzekoetan, eta kadete kategorian.

51 G- Nola egin behar dira zuzendutako kirol-jarduera fisikoak espazio itxietan?

E- Honako hauek jotzen dira zuzendutako jardueratzat:

- **aisialdiarekin, prestakuntza fisikoarekin eta osasunarekin zerikusia duten jarduerak fisikoak oro, partaideen adina edozein delarik ere.**
- **Ez dira sartzen** jarduerak horien barruan **kirol modalitate bateko entrenamenduak edo kirol hastapeneko eskolak.**

Baldintzak:

- Zuzendutako kirol-jarduera fisikoak espazio itxietan egiteko taldeetan, **ez dira arituko 10 pertsona baino gehiago**, eta Nafarroako Kirolaren Institutuak xedatutakoaren arabera arautuko dira.
- Edonola ere, zuzendutako kirol-jarduera fisikoak hamabosnaka egiten ahalko dira espazio itxietan, instalazioak 5 metro koadro baldin baditu parte-hartzaile bakoitzeko, mugikortasun txikiko jardueretarako, eta 16 metro koadro baditu parte-hartzaile bakoitzeko, berriz,

mugikortasun handiko jardueretarako, aireberritze naturala badu edo artifiziala (mekanikoa), airearen birzirkulaziorik gabe.

- Igeriketa-ikastaroen 10 pertsonako muga izanen dute. Jaioberriei edo haur oso txikiei ematen zaizkien ikastaroen kasuan, familiako bizikide bat (beti bera) haiekin joatea baimenduko da, eta hori 10 parte-hartzaileraren gehieneko kopuruan zenbatuko da.

- Kirol-jarduera fisikoak salbuetsirik daude baldin eta egiten badira Hezkuntzari buruzko Lege Organikoaren 3. artikuluan aipatutako irakaskuntzen babesean

- **Nahitaezkoa izanen da maskara erabiltzea** instalazioetako sarbide eta joan-etorrietan, bai eta **kirol-jardueretan ere, intentsitate txikiko modalitateak badira**. Kirol-praktika mota bakoitzaren modalitatea arautuko da Nafarroako Kirolaren Institutuan xedatutakoaren arabera.

- **21:00etan itxiko dira beranduenez.**

- **Lasterkariak ("runners")**, jarduera fisikoan ari direnean, **maskara erabili beharko dute beti ezin dutenean bermatu pertsonen arteko 1,5 metroko segurtasun-tartea**, Osasuneko kontseilariaren uztailaren 15eko 34/2020 Foru Aginduak ezartzen duenaren arabera (foru agindu horrek prebentzio neurriak ezartzen ditu COVID-19ak eragindako osasun krisian Nafarroako Foru Komunitatean maskara erabiltzeari dagokionez).

- Halaber, jarduera fisiko hori **pertsona asko dauden tokietan** egiten dutenean –hala nola, parkeetan, ibai ondoko pasealekuetan, hirigunean edo antzekoetan–, **gomentatzen da banaka egitea**, eta ez taldeka.

Igerilekuak

52 G- Edukieraren zer ehuneko bete daiteke igerilekuetan eta zer neurri hartu behar dira?

E- Aisialdiko igerilekuetan edukieraren % 50eko muga gorde beharko da, hala haietara sartzeko nola aisialdiko jardueretan bertan.

Baimenduta dago aldagelak erabiltzea, eta dutxak banaka erabiliko dira, hau da, ezin izanen dituzte pertsona batek baino gehiagok erabili aldi

berean.

Igeriketan, gehienez ere 4 pertsona sar daitezke kale bakoitzeko, 25 metro edo gutxiagoko igerilekuetan, eta kale desberdinetatik joanez gero, gehienez ere 10 pertsona onartuko dira bi kaleko. 50 metroko igerilekuetan gehienez ere 8 pertsona sar daitezke kale bakoitzeko, eta kale desberdinetatik joanez gero, gehienez ere 20 pertsona onartuko dira.

Waterpoloan eta igeriketa sinkronizatuan, 10 metro koadroko espazioa ziurtatuko da partaide bakoitzeko eta gehienez ere 15 pertsona izanen dira ur-xaflako.

21:00etan itxiko dira beranduenez.

Liburutegiak, artxiboak, monumentuak, erakustaretoak eta museoak

53 G- Edukieraren zer ehuneko bete daiteke liburutegietan eta zer neurri hartu behar dira?

E- Liburutegiek (titulartasun publikokoak zein pribatukoak izan) beren jarduerari lotutako zerbitzuak emanen dituzte, baina **ezin izanen da gainditu baimenduriko gehieneko edukieraren % 50.**

Sustatuko da erabiltzaileek zerbitzuak telematikoki erabiltzea.

Liburutegi eta ludoteketan **haurrentzako jarduerak egiten ahalko dira, gehienez ere hamabi partaideko taldeetan.**

Artxiboak (titulartasun publikokoak zein pribatukoak izan) beren jarduerari lotutako zerbitzuak emanen dituzte, baina gehieneko okupazioak ezin izanen du gainditu baimenduriko gehieneko edukieraren % 50.

21:00etan itxiko dira beranduenez.

54 G- Zer neurri bete behar dituzte monumentu, erakustareto eta museoek?

E-

- Museoetan eta erakustaretoetan egiten diren jardueretan, **ezin izanen da gainditu baimendutako gehieneko edukieraren % 50.**

- Inaugurazioak eta ekitaldi sozialak egiten ahalko dira, baldin eta jatetxe zerbitzurik ez badago, eta segurtasun-tarteak bermatzen ahal badira. Edukiera % 50ekoa izanen da, eta jarlekuak aurretik esleituko dira. Jarduera zutik egiten bada, edukiera irizpide honi jarraikiz kalkulatu da: 3 metro koadro pertsonako.
- Bisita edo jarduera gidatuak **gehienez ere hamabi pertsonako taldeetan** eginen dira, **eta 18koak izaten ahalko dira kanpoan direnean.**
- **21:00etan** itxi behar dute beranduenez.

Zinemak, antzokiak, auditoriumak, karpadun zirkoak, aire zabaleko esparruak eta antzeko guneak

55 G- Edukieraren zer ehuneko bete daiteke zinema-areto, antzoki, auditorium, karpadun zirko eta antzekoetan, aire zabaleko esparru eta antzeko beste lokal batzuetan, eta ikuskizun publikoetarako eta jostetako edo aisialdiko jardueretarako establezimenduetan?

E- Zinemak, antzokiak, auditoriumak, karpadun zirkoak eta antzekoak:

- Beren jarduera gauzatzen ahalko dute aurretik esleitutako eserlekuak erabilita, baldin eta areto bakoitzean **baimendutako gehieneko edukieraren % 50 gainditzen ez bada.**
 - Nolanahi ere, **gehieneko edukiera ezin izanen da 200 pertsonatik gorakoa izan.**
 - **Debeku da jatea eta edatea** puntu honetan aipatzen diren ikuskizun edo jardueretan.
 - **22:00etan** itxi behar dute beranduenez.

Aire zabaleko esparruetan eta antzeko lokaletan egiten diren jardueretan, eta ikuskizun publikoetarako, josteta edo aisia jardueretarako aire zabaleko establezimenduetan egiten direnetan,

- ezin izanen da gainditu baimendutako gehieneko edukieraren % 50; edonola ere, 400 pertsona bilduko dira gehienez.

Barnealdean 200 pertsona baino gehiago eta kanpokoetan 400 pertsona baino gehiago bildu nahi dituzten

jardueretarako, Nafarroako Osasun Publikoaren eta Lan Osasunaren Institutuaren txosten loteslea beharko da.

Biltzarrak, topaguneak, hitzaldiak, ekitaldiak eta antzekoak.

56 G- Biltzarrak egin daitezke?

E- Lehenetsiko da biltzarrak telematikoki egitea. Beste modalitate edo formatu batean egin nahi izanez gero, Nafarroako Osasun Publikoaren eta Lan Osasunaren Institutuari jakinarazi beharko zaio aurretik.

Topaketak, akziodunen eta elkargo profesionalen batzarrak, negozio bilerak, hitzaldiak, ekitaldiak eta antzekoak.

57 G-Topaketak, akziodunen eta elkargo profesionalen batzarrak, negozio bilerak, hitzaldiak, ekitaldiak eta antzekoak egin daitezke?

E- Topaketak, akziodunen eta elkargo profesionalen batzarrak, negozio bilerak, hitzaldiak, ekitaldiak eta antzekoak egiten ahalko dira, baldin eta **ez bada gainditzen baimendutako gehieneko edukieraren % 50, eta betiere 200 pertsona gehienez**; horiek eserita egon beharko dute, 1,5 metroko segurtasun-tartea bermatuz horien artean. Horrek ez du galaraziko modalitate telematikoa gomendatzea.

Bozketarik egin behar bada, pertsonak mugitzea saihesten duten bozketa sistemak erabiliko dira.

Turismo-gidariak, eta turismo aktiboko eta naturako irteerak

58 G- Zer baldintza bete behar dituzte turismo-gidariak, eta turismo aktiboko eta naturako irteerak?

E-

Turismo-gidariak

- Jarduera horiek, barnean zein kanpoan, ahal dela, **aldez aurretik hitzordua eskatuta** eginen dira eta **taldeak, gehienez ere, hamabi pertsonakoak izanen dira**.
- Jarduera egiten den bitartean, saihestuko da jende-pilaketak sor daitezkeen eremu edo tokietatik ibiltzea. Halaber, errespetatu beharko dira monumentuak eta bestelako kultur ekipamenduak bisitatzeko baldintzak, foru agindu honetan ezarritakoaren arabera.

Turismo aktiboko eta naturako irteerak

- Turismo aktiboko eta naturako irteerak **hemezortzi pertsonako taldeendako ere onartuko dira, aldez aurretik erreserba eginda**, enpresa edo gidari profesionalekin.

Bingoak, eta joko-, apustu- eta jolas-aretoak

59 G- Bingoek, joko-, apustu- eta jolas-aretoek ireki dezakete?

E- Bertan behera uzten da jarduera oro bingoen, eta joko- eta jolas-aretoen establezimenduetako **barnealdeetan**.

Adinekoen eta desgaitasuna duten pertsonen egoitzak

60 G- Indarrean jarraitzen du adinekoen eta desgaitasuna duten pertsonen egoitzetara bisitan joateko aukerak?

E- Bai.

Ahaideendako informazio guztia eta ohiko galderak hemen:

- <https://www.navarra.es/eu/adinekoak-edo-desgaitasuna-duten-pertsonak-egoitzetan-dituzten-familientzako-informazioa>